

nga rangatira o Ngati Raukawa. E hari ana hoki mo to koutou manaaki i o koutou Hahi e rua. Maku e korero tenei ahua-tanga ki te Popa. Tena ia e koa. E mihi ana ahau mo nga kupu whakamanuhiri a te Pihopa o Aotearoa moku. Kia ora.

Kipa Roera
Ohau, 29/4/29

PITOPITO KORERO.

Kua tino ora a Kingi Hori i tona mate. Ko te mahi tuatahi i maharatia e ia, ko te mataki i nga turoro i te Hohipera. Kingi Eruera VII. I whakahanora ia i nga turoro, i mihi kia ratou. "E te Atua tohungia te Kingi.

I te nui o te hari o tenei Iwi o te Ingarihi i te oranga ake o to ratou kingi, ka rapu he tohu whakawhetai pai mo te oranga ake Kitea ake me moni, hei awhina i te Hohipera. Kingi Eruera; ko te Kingi nei te Perehitini mo te iwa tau. Ka kahi nei te Ingarihi, i te herengi, i te pauna, i te rau pauna, i te mano pauna. Na George Roberts o Wimbledon e £105,000, na Lord Revelstoke e £100,000 "E Te Pakeha."

Katahi ano ka hinga te Kawanatanga Kai Mahi o Queensland. E 14 tau e kawana ana. I mea a McCormack, i hinga ai tona Kawanatanga, na te hiahia tonu o te iwi ki tetahi Kawanatanga ke. Tetahi na te kaha o te Apitihana ki te ki ma ratou e kitea ai he mahi ma te hunga kore mahi e 10,000. Na te kaha tetahi o tona Kawanatanga ki te wawao haere i nga mahi taraika. Ki nga Tiati ia he he tonu no nga whakahaere, he tu no te aranga o nga mahi katoa. Ki te Country Party, he takararo tonu te Kawana Huihui.

Kua whakaae a Taranaki ki te £5000 i whakataua e te Komihana hei whakautu i nga Raupatu. Ka puta a-tau tenei moni. Ko Ta Maui Pomare, ko Rangihuna, ko Tupito, ko Whakarua, ko Raungaiti te Poari whakahaere o tenei tahua.

Ko te hunga rere-takiwa, i rere mai nei i Ingarangi ki Poihakena, ko Moir rana ko Owen, ka tata tonu hoki te u mai, ka aitua. I te ngaro engari kua kitea i tau ki taha tai, i whati, tetahi o nga parirau.

Ko tetahi hua nui o te tomotomo haere o te Pihopa o Aotearoa ki nga marae Pakeha, i a ia e matoro haere nei i nga iwi Maori o te Motu nei, ko te tautapa a te Hahi Pakeha maana te £1000 i ia tau hei awhina i te Hahi Maori.

Ki te hakihi ake ko Revs. Harawira (Waitara), Panapa (Hokianga), Tikao (Rotorua), Tamahori (Waiapu), Hakiwai (Heretaunga), kua whakaturia hei kai-tirotiro tuarua Sub-Superintendents mo te Pihopatanga o Aotearoa. Ahakoa atarangi noa nga turanga nei, tena pea he arawhata atu enei ki nga turanga nunui kei te heke iho.